

INFORMAZIOAREN GIZARTEARI BURUZKO INKESTA (IGI): lehen sektorea. 2005. urtea

## Euskal AEko lehen sektorean informazioaren teknologiako ekipamendu gutxi dago, gehiegiko atomizazioa dela eta

*Hala ere, 2003. urtearen aldean, lehen sektoreko 10 langile edo gehiagoko establezimenduek hobekuntza nabarmena izan dute 2005ean IKTko ekipamenduei dagokienez.*

Eustaten datuen arabera, Euskal AEko lehen sektoreko establezimendu gehienak tamaina txikikoak dira (establezimenduen %98,5etan 2 langile edo gutxiago daude), eta horrek baldintzatu egiten du establezimenduetan Informazioaren eta Komunikazioaren Teknologiako (IKT) ekipamenduak edukitzea.

Teknologiak edukitzeari dagokionez, lehen sektoreko establezimenduetan lortzen diren ehunekoak oso urruti daude Euskadiko ekonomiako gainerako sektoreetan lortzen direnetatik, telefono mugikorretan izan ezik (sektoreko enpresen %30,2tan dituzte). Gainerako oinarritzko ekipamenduak gutxi erabiltzen dira, bai ordenagailuak (%4,9), bai posta elektronikoa, eta baita Internetarako sarbidea ere (%4,1). Bestalde, ia ez dago web orrialde propioa duen enpresarik. Izan ere, horrelako enpresen %0,5 baino ez dago sarean.

### 1. taula: Establezimenduak, informazioaren teknologiako ekipamenduei jarraiki, sektore ekonomikoaren, enplegu-geruzaren eta urtearen arabera. (%)

|                               | Ordenagailu pertsonala |             | Posta elektronikoa |             | Internet    |             | Sakelako telefonoa |             | Web orria  |             |
|-------------------------------|------------------------|-------------|--------------------|-------------|-------------|-------------|--------------------|-------------|------------|-------------|
|                               | 2005                   | 2003        | 2005               | 2003        | 2005        | 2003        | 2005               | 2003        | 2005       | 2003        |
| <b>Guztira</b>                |                        |             |                    |             |             |             |                    |             |            |             |
| <b>Lehen Sektorea</b>         | <b>4,9</b>             | <b>5,5</b>  | <b>3,9</b>         | <b>3,4</b>  | <b>4,1</b>  | <b>3,6</b>  | <b>30,2</b>        | <b>32,1</b> | <b>0,5</b> | <b>0,4</b>  |
| Industria                     | 77,8                   | 70,6        | 64,9               | 52,8        | 66,2        | 57,0        | 81,0               | 75,0        | 26,4       | 21,6        |
| Eraikuntza                    | 64,2                   | 52,1        | 38,6               | 28,9        | 48,8        | 37,5        | 93,2               | 85,6        | 9,5        | 7,2         |
| Zerbitzuak                    | 68,4                   | 60,1        | 53,1               | 44,0        | 56,8        | 46,1        | 68,2               | 58,5        | 20,8       | 17,4        |
| <b>10 langile edo gehiago</b> |                        |             |                    |             |             |             |                    |             |            |             |
| <b>Lehen Sektorea</b>         | <b>89,0</b>            | <b>75,4</b> | <b>59,3</b>        | <b>29,8</b> | <b>47,8</b> | <b>26,7</b> | <b>99,3</b>        | <b>83,9</b> | <b>7,4</b> | <b>10,8</b> |
| Industria                     | 97,7                   | 95,7        | 95,4               | 89,0        | 95,7        | 91,0        | 94,5               | 90,4        | 58,0       | 51,7        |
| Eraikuntza                    | 96,9                   | 95,2        | 88,0               | 87,4        | 93,5        | 89,4        | 95,7               | 95,7        | 34,8       | 30,4        |
| Zerbitzuak                    | 97,6                   | 96,7        | 92,5               | 87,4        | 91,6        | 86,3        | 80,6               | 72,6        | 72,1       | 63,0        |

#### Iturria: Eustat

Nolanahi ere, betiere establezimenduen tamaina bezalako aldagai bereizgarria kontuan hartuta, 10 langile edo gehiagoko establezimenduetan askoz ere kopuru handiagoak lortu dira dagoeneko. Esate baterako, tamaina horretako establezimenduen %99,3k dituzte telefono mugikorrak, eta %47,8k dute Internetarako sarbidea. Gainera, posta elektronikoaren ehunekoa %59,3koa izatera iritsi da, eta ordenagailua edukitzearen ehunekoa %89,0koa da.


Era berean, enpresen guztizkoan 2005ean lortutako ekipamenduen kopuruak eta 2003an lortutakoak oso antzekoak izan badira ere, 10 langile edo gehiagoko establezimenduetan hobekuntza nabaria egon da tarte horretan.

## **Lehen sektorean, arrantza-enpresek IKTko ekipamendu gehiago dituzte nekazaritza-enpresek baino**

Azkenik, aipagarria da lehen sektorean lortutako ehunekoak oso ezberdinak direla nekazaritzako enpresak eta arrantzakoak bereizita. Azken enpresa horiek askoz ere ehuneko handiagoak lortu dituzte ekipamendutan. Nolanahi ere, datu horrek ez du inolako eraginik sektore osoan, nekazaritzako enpresak enpresen guztizkoaren %99,1 baitira.

Nekazaritza-sektorean horrelako ekipamenduen ehunekoak oso txikiak diren arren (%29,6 telefono mugikorretan, %3,6 posta elektronikoan, %4,3 ordenagailuetan eta %3,8 Interneten), arrantza-sektoreko enpresetan askoz ere ehuneko handiagoak lortu dira: %91,3 telefono mugikorretan, %35,2 posta elektronikoan, %64,0 ordenagailuetan eta %28,2 Interneten.

### **1. grafikoa: Establezimenduak, IKTko ekipamenduei jarraiki, jarduera-sektoreen arabera. (%)**



Iturria: Eustat

Hala ere, kontuan izan behar da alde horiek ez direla jardueragatik soilik gertatzen; ustiapenen tamainak ere badu eragina. Nekazaritza-sektoreko establezimendu gehienak 10 langile edo gutxiagokoak dira; arrantza-sektorekoak, aldiz, askoz ere sakabanatuago daude, eta badira 10 langile edo gutxiagoko enpresak, baina baita 10 langile baino gehiagokoak ere.

#### **Informazio gehiago nahi izanez gero:**

Euskal Estatistika-Erakundea / Instituto Vasco de Estadística

Donostia-San Sebastian kalea, 1. 01010 Vitoria-Gasteiz

Tel.: +34-945-01 75 00 Faxe: +34-945-01 75 01 Posta elek.: [eustat@eustat.es](mailto:eustat@eustat.es)

Harremanetarako pertsona: José Miguel Escalada

Tel.: +34-945-01 75 07 Faxe: +34-945-01 75 01

Prentsa-oharrak Interneten: [www.eustat.es](http://www.eustat.es)